

ած է «գողացան», «վերացեալ եղև», «անյայտ եղև», «գողացեալ տարան», մինչև անգամ մի յիշատակարանում * ասուած է, թէ «չորս ամէր, որ զսուրբ Լուսաւորչի աջն կորեալ էր ի Սոսյ», ինչպէս գողացան, ո՞վ էր յանցաւորն, ո՞վ գտաւ, ինչպէս յայտնուեցաւ, ոչ ինչ չեն գրում, Թովմայ Մեծօփեցին, որ հայրապետական աթոռի փոխադրութեանը մասնակցել է և ինքն է նկարագրել այդ դէպքը, իւր յիշատակարանում ոչինչ չի յիշում թէ Ս. Աջի անյայտանալու և թէ Ս. Էջմիածնումն յայտնուելու մասին, նա, որ այնքան պատճառներ է մէջ բերում, որպէս զի Սսի աթոռակալների անարժանութիւնն ապացուցանէ և Ս. Էջմիածին փոխադրելու կարևորութիւնն և իրաւունքներն հաստատէ, թէ և այդ անում է մեծ մասամբ տեսիլներ պատմելով, Ս. Աջի համար միայն մի բան է յիշում. «Կիլիկեցիք «թոզի ն, ասում է, զկանոնեալն ի Լուսաւորչէն և յաջ Լուսաւորչին երդնուին, որ ոչ զԼուսաւորիչն ճանաչէին և ոչ զաջ նորագիտէին» ** Այս խօսքերից կարող ենք մակարերել, թէ նորալուծեան պատճառն այն պիտի լինի, որ Թովման, երևի, առաւել նշանակութիւն էր տալիս ոչ թէ Ս. Աջին, Ս. Լուսաւորչի դրած կանոնների պահպանութեանն և իրա-

* Նոտ. 4. 155.

** Թովմ. Մեծօփ. Յիշատ. 58.